

U G O V O R
O NABAVCI SREDSTAVA ZA ČIŠĆENJE – LOT 1

zaključen dana 11.05. 2021. godine u Sarajevu između ugovornih strana:

1. **Stomatološki fakultet sa klinikama**, Bolnička br. 4a, koju zastupa dekan prof. dr. sc. Muhamed Ajanović (u daljem tekstu Kupac)

Identifikacioni broj: 4200542470007
Poreski broj: 01073987
Transakcijski rn: 1411965320008475
Budžetska organizacija: 2104024

2. **R&S d.o.o.** iz Sarajeva, Igmanska bb, koju zastupa Kemal Selmanagić (u daljem tekstu Prodavac)

Identifikacioni broj: 4200056290005
Poreski broj: 200056290005
Transakcijski rn: 140 101 0024114 039

I PREDMET UGOVORA

Član 1.

Predmet ovog ugovora je kupovina sredstava za čišćenje za koju je proveden otvoreni postupak nabavke i ponuda prodavca broj 02-2-1-48-50-14/20 od 24.12.2020. godine koja je Odlukom Ugovornog organa broj 0-2-2-1-48-50-23/20 od 06.01.2021. godine ocijenjena kao najpovoljnija i ista je sastavni dio ovog ugovora.

II UGOVORENA CIJENA

Član 2.

Ugovorena cijena koju će Kupac isplatiti Prodavcu za sredstva za čišćenje (lot 1) po ponudi iz člana 1. ovog Ugovora ukupno iznosi:

- Cijena bez PDV-a: 12.530,75 KM;
- Porez na dodanu vrijednost (PDV 17%): 2.130,22 KM;
- **UKUPNA VRIJEDNOST / CIJENA sa PDV-om: 14.660,97 KM**
(slovima: četrnaesthiljadašeststotinašeydeset i 97/100 KM).

Cijene su fiksne i ne mogu se mijenjati ni pod kojim uslovima.

III TRAJANJE UGOVORA

Član 3.

Ovaj Ugovor se zaključuje na određeno vrijeme u trajanju od jedne (1) godine, računajući od dana potpisivanja od strane prodavca i kupca.

IV NAČIN PLAĆANJA

Član 4.

Kupac će nakon isporuke sredstava za čišćenje, ispostavljenih otpremnica, zapisnika o primopredaji robe, izvršiti uplatu ugovorene cijene Prodavcu za naručene količine i vrste sredstava za čišćenje odnosno prema narudžbenicama od strane Kupca i ispostavljenim fakturama od strane Prodavca i to u roku od 30 dana od dana izdavanja računa na transakcijski račun broj: 140-101-0024114039 otvoren kod Sberbank BH banke.

V NAČIN PREUZIMANJA

Član 5.

Prodavac se obavezuje da će isporuku materijala za čišćenje vršiti sukcesivno po dostavljenim zahtjevima Kupca u trajanju od jedne godine počev od dana zaključenja ovog Ugovora pod uslovima iz tenderske dokumentacije i prihvaćene ponude, a o čemu će se sačiniti zapisnik o primopredaji.

Član 6.

Ukoliko se zapisnički utvrdi da sredstva za čišćenje koja je Prodavac isporučio imaju greške ili nisu ugovorenog kvaliteta, Prodavac je dužan sve uočene propuste otkloniti u roku od 7 dana od dana sačinjavanja zapisnika, a ukoliko to ne učini u navedenom roku, sredstva za čišćenje koja su predmet reklamacije zamjenit će se novim.

VI ROK ISPORUKE

Član 7.

Prodavac će sredstva za čišćenje isporučiti najkasnije u roku od 7 (sedam) dana od momenta narudžbe (Izjave o roku isporuke do krajnjeg roka je sastavni dio Ugovora).

VII GARANCIJE

Član 8.

Prodavac se obavezuje da prije početka realizacije Ugovora (najkasnije 7 dana od dana potpisa Ugovora) obezbijedi bezuslovnu bankarsku garanciju za dobro izvršenje posla / Ugovora u iznosu od 10% vrijednosti Ugovora sa rokom važnosti garancije od 1 godine, koja će poslužiti za

pokrivanje štete i troškova koje ugovorni organ može imati ukoliko izabrani ponuđač prekrši Ugovor o nabavci od potpisivanja ugovora do njegove krajnje realizacije.

VIII RASKID UGOVORA I NAKNADA ŠTETE

Član 9.

Ugovorne strane mogu sporazumno raskinuti zaključeni Ugovor, sporazumom o raskidu Ugovora, kojim ugovorene strane utvrđuju međusobna prava, obaveze i odgovornosti.

U slučaju da jedna od ugovornih strana ne izvršava svoje obaveze u cjelosti ili ih izvršava djelimično, i ukoliko takvim neizvišavanjem obaveza čini štetu drugoj ugovornoj strani, druga ugovorna strana stiče pravo na jednostrani raskid Ugovora i naplatu nastale štete.

Prodavcu će se zaračunati ugovorna kazna u iznosu od 1% za svaki dan zakašnjenja od roka završetka ugovorenih obaveza, a obračunava se na ukupnu vrijednost ugovorenih obaveza, a najviše 10% od vrijednosti ukupnih ugovorenih obaveza.

U svrhu pokrivanja štete i troškova koje Kupac može imati ukoliko Prodavac prekrši Ugovor o nabavci od potpisivanja Ugovora do njegove krajnje realizacije, Kupac može koristiti od strane Prodavca dostavljenu безусловnu bankarsku garanciju za dobro izvršenje Ugovora u iznosu od 10% vrijednosti Ugovora.

Ovaj Ugovor se može raskinuti i bez naknade štete drugim stranama, ukoliko do raskida dođe zbog okolnosti koje su izvan volje ugovorenih strana.

IX RJEŠAVANJE SPOROVA

Član 10.

Ugovorne strane su saglasne da će eventualne sporove rješavati međusobnim dogovaranjem, a u slučaju da ugovorene strane ne postignu dogovor o spornim pitanjima za rješenje spora nadležan je sud u Sarajevu.

X OSTALE ODREDBE

Član 11.

Ugovorni organ nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 mjeseci po zaključenju Ugovora, odnosno od početka realizacije Ugovora.

Član 12.

Ovaj Ugovor stupa na snagu danom potpisivanja od strane ovlaštenih predstavnika ugovornih strana.

Član 13.

Ovaj Ugovor se zaključuje na određeno vrijeme u trajanju od 1 (jedne) godine od dana zaključivanja.

Član 14.

Ovaj Ugovor je sačinjen u 4 (četiri) istovjetna primjerka od kojih svaka od ugovornih strana zadržava po 2 (dva) primjerka.

PRODAVAC

R&S d.o.o.

Kemal Selmanagić



KUPAC

Stomatološki fakultet sa klinikama

Prof. dr. sc. Muhamed Ajanović, dekan

Broj: 120/2021
Sarajevo, 11.03. 2021.

M.P.

Broj: 02-2-1-48-50-26/20
Sarajevo, 25.02.2021.

